



Broj: 336/17  
Sarajevo, 11.05.2017. godine

Na osnovu člana 18. Zakona o udruženjima i fondacijama ("Službene novine Federacije BiH", broj: 45/02), člana 2. stav 1. Zakona o štrajku (Službene novine FBiH, broj: 14/00), člana 11. Statuta Sindikata radnika u zdravstvu u Kantonu Sarajevo broj: 04/2015 od 21.05.2015. godine (broj ovjere: 03-03-05-7850/15 od 30.10.2015. godine) i Pravilnika o načinu vođenja štrajka u zdravstvenim ustanovama, Izvještajna Skupština Sindikata radnika u zdravstvu u Kantonu Sarajevo održana dana 11.05.2017. godine, donosi

**ODLUKU**  
**o organizovanju i održavanju generalnog štrajka**

**Član 1.**

Ovom Odlukom utvrđuje se vrijeme, način organizovanja i održavanja Generalnog štrajka, kao i zahtjevi Sindikata radnika u zdravstvu u Kantonu Sarajevo zbog kojih se organizuje štrajk.

**Član 2.**

Generalni štrajk organizuje se s namjerom hitnog ispunjavanja slijedećih prioritetnih zahtjeva Sindikata radnika u zdravstvu u Kantonu Sarajevo:

1. povećati visinu neto satnice u oblasti zdravstva za područje Kantona Sarajevo sa 2,28 KM na 3,12 KM, što znači izjednačavanje neto satnice u oblasti zdravstva sa neto satnicom koja se primjenjuje u Zavodu zdravstvenog osiguranja Kantona Sarajevo;
2. ne mijenjati koeficijente grupa složenosti poslova predložene od strane Sindikata radnika u zdravstvu u Kantonu Sarajevo, a pogotovo ne pristati na smanjenje koeficijenata za pojedine grupe složenosti poslova (dipl. medicinske sestre) u korist drugih grupa (doktori), te
3. bez odlaganja potpisati Kolektivni ugovor o pravima i obavezama poslodavaca i radnika u oblasti zdravstva za područje Kantona Sarajevo sa Ministarstvom zdravstva Kantona Sarajevo, a najkasnije do 30.06.2017. godine, s tim da se isti primjenjuje od 01.07.2017. godine

**Član 3.**

Datum početka generalnog štrajka u svim osnovnim sindikalnim organizacija Sindikata radnika u zdravstvu u Kantonu Sarajev utvrdit će Glavni odbor Sindikata s tim da će, ako se Ministarstvo zdravstva Kantona Sarajevo do 20.05.2017. godine ne očituje po pozivu za provođenje postupka mirenja, Glavni odbor Sindikata započeti sa pripremama za organizovanje generalnog štrajka.

Generalni štrajk će trajati do ispunjenja zahtjeva iz člana 2. ove Odluke.

**Član 4.**

Osnovne sindikalne organizacije, u skladu sa članom 5. Zakona o štrajku, dužne su da obezbijede sporazum o utvrđivanju poslova koji se neće prekidati za vrijeme štrajka.

**Član 5.**

Obavezuje se Glavni odbor Sindikata radnika u zdravstvu u Kantonu Sarajevo da odmah preduzme sve aktivnosti na organizovanju i održavanju Generalnog štrajka i o tome obavještava osnovne sindikalne organizacije koje se dužne provesti aktivnosti za održavanje i organizovanje Generalnog štrajka.

**Član 6.**

Odluka stupa na snagu danom donošenja.





**Obrazloženje:**

Sindikata radnika u zdravstvu u Kantonu Sarajevo je 10.11.2016. godine podnio Ministarstvu zdravstva Kantona Sarajevo Inicijativu za pokretanje postupka kolektivnog pregovaranja i zaključivanja Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu Kantonalni kolektivni ugovor). Uz Inicijativu je dostavljen i Prijedlog Protokola o načinu i sadržaju pregovaranja između Sindikata i Ministarstva o zaključivanju Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, kao i Prijedlog Kantonalnog kolektivnog ugovora koji je utvrdio Glavni odbor Sindikata na 8. Redovnoj sjednici. S obzirom da se Ministarstvo nije odazvalo na dostavljenu Inicijativu, upućene su urgencija, te poziv za sastanak sa resornim ministrom. Na sastanku održanom 07.12.2016. godine Ministar zdravstva Kantona Sarajevo je istakao da će nastojati dostavljenu Inicijativu uvrstiti na dnevni red sjednice Vlade Kantona Sarajevo za 15.12.2016. godine, te da će nakon saglasnosti Vlade Kantona Sarajevo otpočeti postupak kolektivnog pregovaranja. Nakon više podnesenih urgencija, Vlada Kantona Sarajevo je tek na 69. sjednici održanoj 23.01.2017. godine dala saglasnost za otpočinjanje kolektivnih pregovora. Nakon što su nam dostavljene odluke Vlade Kantona Sarajevo sa pomenute sjednice, potpisan je Protokol o načinu i sadržaju pregovaranja kojim je, između ostalog, definisan i rok za okončanje pregovora. Pregovori su otpočeli 14.02.2017. godine i trajali su do 03.04.2017. godine. Okončani su bez potpisivanja Kantonalnog kolektivnog ugovora u datom roku iz razloga što se nije postigao dogovor o visini neto satnice u oblasti zdravstva za područje Kantona Sarajevo, iako tokom pregovora, nijedan argument pregovaračkog tima ovog Sindikata koji opravdava povećanje satnice u oblasti zdravstva nije osporen. Pored toga, Sindikat nije pristao na smanjenje koeficijenata za pojedine grupe složenosti poslova (dipl. medicinske sestre) u korist drugih grupa (doktori) i nije dogovoren datum početka primjene Kantonalnog kolektivnog ugovora. Zbog nepotpisivanja Kantonalnog kolektivnog ugovora dana 25.04.2017. godine resornom ministarstvu je podnesen poziv za formiranje mirovnog vijeća i provođenje postupka mirenja uz napomenu da će ovaj Sindikat, u slučaju neprihvatanja mirenja od strane nadležnog ministarstva i nepotpisivanja Kantonalnog kolektivnog ugovora, nastaviti aktivnosti na pripremi i organizovanju generalnog štrajka.

Imajući u vidu navedeno, kao i činjenicu da je oblast zdravstva jedna od rijetkih djelatnosti u Kantonu Sarajevo koja nema kantonalni granski kolektivni ugovor (potpisani za oblast komunalne privrede, djelatnost srednjeg obrazovanja, djelatnost predškolskog odgoja i obrazovanja, kao i kolektivni ugovor za službenike organa uprave i sudske vlasti, te policijske službenike), da se Federalni Granski kolektivni ugovor još ne primjenjuje jer Vlada Kantona Sarajevo nije shodno članu 76. stav 2. i 3. Federalnog Granskog kolektivnog ugovora donijela odluku kojom definiše uslove i rokove primjene Federalnog Granskog kolektivnog ugovora i da je Federalnim Granskim kolektivnim ugovorom, kao i kolektivnim ugovorima u djelatnosti zdravstva koji su potpisani u drugim kantonima povećana neto satnica za 0,35 KM, te da se sredstva za finansiranje Zavoda zdravstvenog osiguranja Kantona Sarajevo uključujući i naknadu troškova zaposlenih ovog zavoda osiguravaju iz doprinosa za zdravstveno osiguranje baš kao i finansiranje naknada zaposlenih u javnozdravstvenim ustanovama u Kantonu Sarajevo, donesena je ova Odluka.

PREDSJEDNICA SKUPŠTINE  
Kathijana, dipl.iur  
*Kathijana*  
Sindikata radnika u zdravstvu u Kantonu Sarajevo






Broj: 362/17  
Sarajevo, 29.07.2017. godine

Na osnovu člana 24. Statuta Sindikata radnika u zdravstvu u Kantonu Sarajevo, Glavni odbor Sindikata radnika u zdravstvu u Kantonu Sarajevo, na 17. Redovnoj sjednici održanoj 29.05.2017.godine, d o n o s i

### ZAKLJUČKE

1. Bez odlaganja pokrenuti arbitražu, tj. Ministarstvu zdravstva Kantona Sarajevo uputiti dopis kojim se poziva na provođenje arbitraže,
2. Ministarstvu za rad, socijalnu politiku, raseljena lica i izbjeglice Kantona Sarajevo uputi dopis kojim se traži da u roku od 15 dana od prijema dopisa utvrdi Listu za izbor članova mirovnog vijeća za područje Kantona Sarajevo,
3. U toku juna i jula tekuće godine provesti arbitražu, odnosno mirenje, te ukoliko se ovi postupci ne okončaju uspješno, u augustu 2017. godine pripremiti dokumentaciju za generalni štrajk, sazvati sjednicu Glavnog odbora Sindikata i donijeti odluku o datumu početka štrajka koji bi mogao započeti polovinom septembra tekuće godine,
4. Sredinom juna ove godine sazvati pres konferenciju, s tim da će se prije sazivanja presa održati sjednica Glavnog odbora Sindikata na kojoj će se utvrditi i usaglasiti tekst saopštenja za javnost i zaposlenike u zdravstvu na području Kantona Sarajevo, a u vezi kolektivnih pregovora.
5. Alibašić Belmi, članu OSO Zavod za hitnu medicinsku pomoć Kantona Sarajevo uputiti odgovor shodno pozitivnim zakonskim propisima, tj. upoznati je koje joj mogućnosti stoje na raspolaganju za zaštitu nematerijalnih prava iz radnog odnosa, te ukoliko se odluči na pokretanje sudskog postupka po predmetnom pismenom upozorenju da se obrati ovom odboru kako bi joj se omogućilo angažovanje advokata čije će troškove snositi ovaj sindikat.

  
PREDSJEDNIK  
Dimitrije Edo Selimić





Broj: 444/17  
Sarajevo, 24.08.2017. godine

Na osnovu člana 2., a u vezi sa članom 4., 5. i 6. Zakona o štrajku (Službene novine FBiH broj: 14/00), člana 24. Statuta Sindikata radnika u zdravstvu u Kantonu Sarajevo – prečišćeni tekst broj: 369/17 od 01.06.2017. godine (broj ovjere: 03-03-05-7851/17 od 19.06.2017. godine), člana 3. i 5. Odluke o organizovanju i održavanju generalnog štrajka broj: 336/17 od 11.05.2017. godine i Zaključka broj: 362/17 od 29.05.2017. godine, Glavni odbor Sindikata radnika u zdravstvu u Kantonu Sarajevo na 19. Redovnoj sjednici održanoj dana 24.08.2017. godine, donosi

## ODLUKU o datumu održavanja generalnog štrajka

### Član 1.

Ovom Odlukom utvrđuje se datum održavanja Generalnog štrajka Sindikata radnika u zdravstvu u Kantonu Sarajevo.

### Član 2.

Generalni štrajk u svim osnovnim sindikalnim organizacijama Sindikata radnika u zdravstvu u Kantonu Sarajevo, i to:

1. JU Univerzitetski klinički centar Sarajevo,
2. JU Opća bolnica „Prim. dr Abdulah Nakaš“,
3. JU Zavod za medicinu rada Kantona Sarajevo,
4. JU Dom zdravlja Kantona Sarajevo,
5. JU Zavod za bolesti ovisnosti,
6. JU Zavod za zdravstvenu zaštitu žena i materinstva Kantona Sarajevo,
7. JU Zavod za zdravstvenu zaštitu radnika u saobraćaju,
8. JU Zavod za zdravstvenu zaštitu studenata Kantona Sarajevo,
9. JU Zavod za zdravstvenu zaštitu uposlenika MUP-a Kantona Sarajevo,
10. JU Zavod za transfuzijsku medicinu FBiH,
11. JU Zavod za javno zdravstvo Kantona Sarajevo,
12. Zavod za javno zdravstvo FBiH,
13. JU Zavod zdravstvenog osiguranja i reosiguranja FBiH,
14. JU Apoteke Sarajevo,
15. JU Zavod za hitnu medicinsku pomoć Kantona Sarajevo i
16. JU Psihijatrijska bolnica Kantona Sarajevo

održaće se nakon provođenja i okončanja postupka mirenja između Sindikata radnika u zdravstvu u Kantonu Sarajevo i Ministarstva zdravstva Kantona Sarajevo, te nakon što navedene osnovne sindikalne organizacije zaključče i Sindikatu radnika u zdravstvu u Kantonu Sarajevo dostave sporazum o utvrđivanju poslova koji se ne mogu prekidati za vrijeme štrajka.





### Član 3.

Zadužuje se predsjednik Sindikata radnika u zdravstvu u Kantonu Sarajevo da **odmah**, a najkasnije sutra 25.08.2017. godine dostavi Ministarstvu zdravstva Kantona Sarajevo **poziv za formiranje mirovnog vijeća** s ciljem provođenja postupka mirenja.

Zadužuju se predsjednici osnovnih sindikalnih organizacija pobrojanih u članu 1. ove odluke da nakon okončanja postupka mirenja sa poslodavcima potpišu sporazum o utvrđivanju poslova koji se ne mogu prekidati za vrijeme štrajka uz obavezu da Sindikatu radnika u zdravstvu u Kantonu Sarajevo dostave jedan primjerak predmetnog sporazuma.

Sporazum o utvrđivanju poslova koji se ne mogu prekidati za vrijeme štrajka je podijeljen predsjednicima osnovnih sindikalnih organizacija.

### Član 4.

Nakon okončanja postupka mirenja, te zaključenja i dostave sporazuma iz stava 2. člana 3. ove odluke, Glavni odbor Sindikata radnika u zdravstvu u Kantonu Sarajevo će utvrditi konkretan datum početka generalnog štrajka.


U slučaju da postupak mirenja bude riješen pozitivno, Glavni odbor Sindikata radnika u zdravstvu u Kantonu Sarajevo će donijeti Odluku da se generalni štrajk neće provesti.

### Član 6.

Odluka stupa na snagu danom donošenja.

### *O brazloženje:*

Izvještajna Skupština Sindikata radnika u zdravstvu u Kantonu Sarajevo održana 11.05.2017. godine je, između ostalog, donijela Odluku o organizovanju i održavanju generalnog štrajka broj: 336/17. Predmetnom Odlukom su utvrđeni zahtjevi Sindikata radnika u zdravstvu u Kantonu Sarajevo, kao i da će datum početka generalnog štrajka utvrditi Glavni odbor ovog sindikata. S obzirom da su pregovori okončani bez potpisivanja Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, Glavni odbor Sindikata radnika u zdravstvu u Kantonu Sarajevo je na 17. Redovnoj sjednici održanoj 29.05.2017. godine donio zaključak da se u toku juna i jula tekuće godine provede postupak mirenja, odnosno arbitraža, te ukoliko se ovi postupci ne okončaju uspješno, u augustu 2017. godine pripremiti dokumentaciju za generalni štrajk i sazvati sjednicu Glavnog odbora Sindikata radnika u zdravstvu u Kantonu Sarajevo na kojoj će se utvrditi datum početka generalnog štrajka, koji bi mogao započeti polovinom septembra tekuće godine. Imajući u vidu navedeno, kao i odredbe Zakona o štrajku koje se tiču najave štrajka, sporazuma o poslovima koji se ne mogu prekidati za vrijeme štrajka, te postupka mirenja, donesena je ova Odluka.

  
Predsjednik  
Prim. dr Edo Selimić






Broj: 457/17  
Sarajevo, 07.09.2017. godine

Na osnovu člana 24. Statuta Sindikata radnika u zdravstvu u Kantonu Sarajevo, Glavni odbor Sindikata radnika u zdravstvu u Kantonu Sarajevo, na 14. Vanrednoj sjednici održanoj 07.09.2017.godine, d o n o s i

### ZAKLJUČKE

1. Nastaviti aktivnosti na provođenju postupka mirenja koje se treba završiti sljedeće sedmice,
2. Zavisno od rezultata postupka mirenja nastaviti sa aktivnostima radi početka generalnog štrajka u zdravstvenim ustanovama na području Kantona Sarajevo,
3. Ne mijenjati koeficijente grupa složenosti poslova predložene od strane Sindikata radnika u zdravstvu u Kantonu Sarajevo, a pogotovo ne pristati da se smanje koeficijenti za pojedine grupe složenosti poslova u korist drugih grupa,
4. Neprihvatljivo je parcijalno i selektivno povećanje satnice u nekim ustanovama i u tom slučaju Sindikat radnika u zdravstvu u Kantonu Sarajevo će pokrenuti sudske postupke kako bi osporio takve odluke. Stav ovog Sindikata je da se u ovom trenutku ne može ići sa satnicom manjom od 2,75 KM.
5. Kolektivni ugovor o pravima i obavezama poslodavaca i radnika u oblasti zdravstva na teritoriji Federacije Bosne i Hercegovine, na koji je Vlada Kantona Sarajevo dala saglasnost još uvijek nije u primjeni jer ista ta Vlada nije donijela odluku kojom se definišu uslovi i rokovi primjene navedenog kolektivnog ugovora. S tim u vezi, Sindikat radnika u zdravstvu u Kantonu Sarajevo će poduzeti sve radnje kako bi se zaključio kantonalni kolektivni ugovor za djelatnost zdravstva,
6. Članstvo Sindikata radnika u zdravstvu u Kantonu Sarajevo informišemo da se neće odustati od do sada preuzetih aktivnosti i da ćemo se boriti svim raspoloživim sredstvima da ostvarimo zacrtane ciljeve.

  
Predsjednik  
Prim. dr. Edo Selimić



Broj: 500/17  
Sarajevo, 02.10.2017. godine

Na osnovu člana 2., a u vezi sa članom 4., 5. i 6. Zakona o štrajku („Službene novine FBiH“ broj: 14/00), člana 24. Statuta Sindikata radnika u zdravstvu u Kantonu Sarajevo – prečišćeni tekst broj: 369/17 od 01.06.2017. godine (broj ovjere: 03-03-05-7851/17 od 19.06.2017. godine) člana 3. i 5. Odluke o organizovanju i održavanju generalnog štrajka broj: 336/17 od 11.05.2017. godine, tačke 3. Zaključka broj: 362/17 od 29.05.2017. godine, člana 4. stav 1. Odluke o datumu održavanja generalnog štrajka broj: 444/17 od 24.08.2017. godine i Zaključka broj: 457/17 od 07.09.2017. godine, Glavni odbor Sindikata radnika u zdravstvu u Kantonu Sarajevo na 17. Vanrednoj sjednici održanoj 02.10.2017. godine, donosi

**ODLUKU**  
**o mjestu, datumu i vremenu početka generalnog štrajka i**  
**imenovanju štrajkačkog odbora**

**Član 1.**

Ovom Odlukom utvrđuje se mjesto, datum i vrijeme početka generalnog štrajka i imenuje Štrajkački odbor Sindikata radnika u zdravstvu u Kantonu Sarajevo.

**Član 2.**

Zbog nepotpisivanja Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo i neispunjavanja zahtjeva članstva Sindikata radnika u zdravstvu u Kantonu Sarajevo sadržanih u Odluci o organizovanju i održavanju generalnog štrajka broj: 336/17 od 11.05.2017. godine, te odnosa predstavnika Ministarstva zdravstva Kantona Sarajevo, kao predstavnika poslodavaca, tokom pregovora o zaključivanju Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, kao i tokom provođenja postupka mirenja, Sindikat radnika u zdravstvu u Kantonu Sarajevo shodno Odluci broj: 336/17 od 11.05.2017. godine i Odluci broj: 444/17 od 24.08.2017. godine, te Zaključku broj: 362/17 od 29.05.2017. godine i Zaključku broj: 457/17 od 07.09.2017. godine organizuje generalni štrajk radnika u oblasti zdravstva na području Kantona Sarajevo.

Shodno prethodnom stavu ovog člana, generalni štrajk će započeti u svim osnovnim sindikalnim organizacijama koje su organizacioni dio Sindikata radnika u zdravstvu u Kantonu Sarajevo, i to:

1. JU Opća bolnica „Prim. dr Abdulah Nakaš“,
2. JU Zavod za medicinu rada Kantona Sarajevo,
3. JU Dom zdravlja Kantona Sarajevo
4. JU Zavod za bolesti ovisnosti,
5. JU Zavod za zdravstvenu zaštitu žena i materinstva Kantona Sarajevo,
6. JU Zavod za zdravstvenu zaštitu radnika u saobraćaju,
7. JU Zavod za zdravstvenu zaštitu studenata Kantona Sarajevo,
8. JU Zavod za zdravstvenu zaštitu uposlenika MUP-a Kantona Sarajevo,
9. JU Zavod za transfuzijsku medicinu FBiH,
10. JU Zavod za javno zdravstvo Kantona Sarajevo,
11. Zavod za javno zdravstvo FBiH,
12. JU Zavod zdravstvenog osiguranja i reosiguranja FBiH



13. JU Apoteke Sarajevo

14. JU Zavod za hitnu medicinsku pomoć Kantona Sarajevo

15. JU Psihijatrijska bolnica Kantona Sarajevo

**u petak 13.10.2017. godine sa početkom u 07,30 sati.**

Osnovne sindikalne organizacije JU Zavod za transfuzijsku medicinu FBiH, JU Zavod za javno zdravstvo Kantona Sarajevo, Zavod za javno zdravstvo FBiH, JU Apoteke Sarajevo i JU Zavod za hitnu medicinsku pomoć Kantona Sarajevo će, shodno Zakonu o zdravstvenoj zaštiti, raditi kontinuirano i pružiti punu podršku ovom štrajku.

Generalni štrajk traje do ispunjenja zahtjeva, odnosno do potpisivanja Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo sa visinom neto satnice od 2,75 KM, bez izmjene trenutno važećih, postojećih koeficijenata grupa složenosti poslova i početkom primjene navedenog kolektivnog ugovora narednog mjeseca od mjeseca u kojem je potpisan.

### **Član 3.**

U vrijeme generalnog štrajka obavljaju se poslovi utvrđeni Sporazumom o utvrđivanju poslova koji se ne mogu prekidati za vrijeme štrajka koji je zaključen između osnovnih sindikalnih organizacija pobrojanih u članu 2. stav 3. ove Odluke, s jedne strane i poslodavca – ustanova, s druge strane.

### **Član 4.**

Generalnim štrajkom rukovodi Štrajkački odbor Sindikata radnika u zdravstvu u Kantonu Sarajevo koji čini 5 članova, i to:

1. Selimić Edo
2. Sadiković Senad
3. Delihanović Kemo
4. Habul Mirza
5. Bešić Samir.

Sjedište Štrajkačkog odbora Sindikata radnika u zdravstvu u Kantonu Sarajevo je u Domu sindikata, Obala Kulina bana 1, Sarajevo.

Štrajkačke odbore u osnovnim sindikalnim organizacijama čine članovi Predsjedništva osnovne sindikalne organizacije.

Štrajkački odbor Sindikata radnika u zdravstvu u Kantonu Sarajevo poziva Vladu Kantona Sarajevo na intenzivne pregovore.

### **Član 5.**

Zadužuju se predsjednici osnovnih sindikalnih organizacija da danas, tj. 02.10.2017. godine odmah po okončanju ove sjednice objave sporazum o poslovima koji se neće prekidati za vrijeme štrajka, te da poslodavcu najave početak generalnog štrajka u pisanom obliku.

### **Član 6.**

Za komunikaciju s javnošću zadužuju se:

1. Selimić Edo
2. Delihanović Kemo



## Obrazloženje

Izveštajna Skupština Sindikata radnika u zdravstvu u Kantonu Sarajevo održana 11.05.2017. godine je, između ostalog, donijela Odluku o organizovanju i održavanju generalnog štrajka broj: 336/17. Predmetnom Odlukom su utvrđeni zahtjevi Sindikata radnika u zdravstvu u Kantonu Sarajevo, kao i da će datum početka generalnog štrajka utvrditi Glavni odbor ovog sindikata. S obzirom da su pregovori okončani bez potpisivanja Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, Glavni odbor Sindikata radnika u zdravstvu u Kantonu Sarajevo je na 17. Redovnoj sjednici održanoj 29.05.2017. godine donio zaključak da se u toku juna i jula tekuće godine provede postupak mirenja, odnosno arbitraža, te ukoliko se ovi postupci ne okončaju uspješno, u augustu 2017. godine pripremiti dokumente za generalni štrajk i sazvati sjednicu Glavnog odbora Sindikata radnika u zdravstvu u Kantonu Sarajevo na kojoj će se utvrditi datum početka generalnog štrajka, koji bi mogao započeti polovinom septembra tekuće godine. Imajući u vidu odredbe Zakona o štrajku koje se tiču najave štrajka, sporazuma o poslovima koji se ne mogu prekidati za vrijeme štrajka, te postupka mirenja, Glavni odbor Sindikata radnika u zdravstvu u Kantonu Sarajevo je na 19. Redovnoj sjednici održanoj 24.08.2017. godine donio Odluku broj: 444/17 kojom je, između ostalog, utvrđeno da će se generalni štrajk održati nakon provođenja postupka mirenja i nakon što osnovne sindikalne organizacije zakluče i dostave ovom Sindikatu sporazum o poslovima koji se neće prekidati za vrijeme štrajka, te da će nakon toga, a zavisno o ishodu postupka mirenja, Glavni odbor Sindikata radnika u zdravstvu u Kantonu Sarajevo utvrditi konkretan datum početka generalnog štrajka ili odlučiti da se štrajk neće provesti. Također, Glavni odbor Sindikata radnika u zdravstvu u Kantonu Sarajevo je na 14. Vanrednoj sjednici održanoj 07.09.2017. godine donio Zaključke kojim je, između ostalog, definisano da se zavisno od rezultata mirenja nastavi sa aktivnostima radi početka generalnog štrajka. Shodno odluci Glavnog odbora Sindikata, dana 24.08.2017. godine Sindikat je uputio Ministarstvu zdravstva Kantona Sarajevo poziv za formiranje mirovnog vijeća, te je, nakon okončanja postupka imenovanja miritelja, u periodu od 14. do 26. septembra 2017. godine proveden postupak mirenja, koji je okončan bezuspješno iz razloga što nisu usaglašeni stavovi oko visine neto satnice u oblasti zdravstva za područje Kantona Sarajevo. S obzirom da je postupak mirenja okončan bezuspješno, predsjednici osnovnih sindikalnih organizacija su pristupili zaključivanju sa poslodavcima sporazuma o poslovima koji se ne mogu prekidati za vrijeme štrajka, te su zaključene sporazume dostavili na ovoj sjednici. Shodno navedenom, stekli su se uslovi da se konkretno utvrdi datum početka generalnog štrajka, najavi generalni štrajk i imenuje Štrajkački odbor Sindikata radnika u zdravstvu u Kantonu Sarajevo. S obzirom da je u članu 2. Odluke broj: 444/17 od 24.08.2017. godine navedeno da će se generalni štrajk održati u svim osnovnim sindikalnim organizacijama uz navođenje svih 16. osnovnih sindikalnih organizacija, a imajući u vidu odredbe Zakona o zdravstvenoj zaštiti („Službene novine FBiH“ broj: 46/10) da je Odlukom Glavnog odbora Sindikata radnika u zdravstvu u Kantonu Sarajevo broj: 458/17 od 07.09.2017. godine zbog kršenja Statuta i programskih ciljeva ovog Sindikata, prestala postojati Osnovna sindikalna organizacija Univerzitetski klinički centar Sarajevo kao organizacioni dio ovog Sindikata, to će se generalni štrajk provesti u osnovnim sindikalnim organizacijama pobrojanim u članu 2. stav 2. ove Odluke. Imajući u vidu sve navedeno, donesena je ova odluka.

Predsjednik  
Prim. dr. Esdo Selimić

